



**UNIT KOMUNIKASI KORPORAT JABATAN
PERIKANAN MALAYSIA
BERITA PERIKANAN HARI INI**

**16 Januari 2025
16 Rejab 1446H**

SENARAI AKHBAR	TAJUK
Utusan Malaysia	• Obor-obor beracun muncul semula • Kerang terdampar Tarik perhatian ke Pantai Sura
Berita Harian	• Penduduk serbu Pantai Sura kutip kerang terdampar
Harian Metro	• Ada bawa pulang hingga 150kg!
Kosmo !	• Pesta kutip kerang di Pantai Sura
Sinar Harian	• Waspada makan kerang terdampar di pantai
The Star	•
New Straits Time	•
Nanyang Siang Pau	•
Malaysia Gazette	•
The Sun	•
Malaysiakini	•
Bernama	•
Borneo Post (KK)	•
Guan Ming Daily	•
Sabah Media	•

JENIS AKHBAR							MUKA SURAT	TARIKH
UTUSAN MALAYSIA	/	KOSMO!		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		30	16/1/2025

Obor-obor beracun muncul semula

Oleh NORHAFIZAN ZULKIFLI
utusannews@mediamulia.com.my

ROMPIN: Kemunculan obor-obor berbisa *Portuguese Man o'War* atau nama saintifiknya *physalia physalis* di Pantai Hiburan di sini, mencuri tumpuan kerana ia adalah kejadian yang jarang berlaku di pantai berkenaan.

Peniaga Medan Selera Pantai Hiburan, Rahimi Abd. Hamid, 56, berkata, sejak berniaga di situ pada 2011, ini kali pertama dia menyaksikan kemunculan spesies itu di sepanjang pantai tersebut.

"Kalau tidak silap, kali terakhir saya lihat obor-obor jenis ini sekitar 45 tahun lalu, waktu saya kecil. Spesies ini jarang muncul. Kebiasaannya, obor-obor beracun seperti ini berada di laut dalam.

"Tetapi mungkin fenomena air pasang besar menyebabkan ia muncul di persisiran pantai," katanya kepada *Utusan Malaysia* di sini.

Rahimi berkata, pihak berkuasa tempatan (PBT) sudah mengeluarkan amaran kepada penduduk dan peniaga mengenai bahaya obor-obor tersebut.

"Pihak Majlis Daerah Rompin sudah menyampaikan peringatan melalui kumpulan WhatsApp kami. Kalau ada pelanggan datang, saya juga memaklumkan kepada mereka tentang amaran tersebut dan meminta supaya mereka berhati-hati," ujarnya.

Pengunjung, Noradilah Abdullah, 30, berkata, fenomena obor-obor beracun naik ke Pantai Hiburan itu bukan sesuatu



SENGATAN obor-obor *Portuguese Man o'War* mampu menyebabkan badan mengeluarkan bintik-bintik merah, lumpuh dan boleh membawa kepada maut. - UTUSAN/NORHAFIZAN ZULKIFLI

yang asing, namun kemunculan spesies tersebut menarik perhatian.

"Sebelum ini sekitar 2019 pernah berlaku kejadian obor-obor berbisa naik ke Pantai Hiburan, tetapi mungkin spesies lain. Kali ini saya tahu tentang obor-obor biru ini melalui Facebook dan segera mengingatkan anak-anak tentang bahayanya.

"Kami diajar mengenal pasti obor-obor beracun, sama ada yang masih berbisa atau sudah mati, melalui perubahan warna. Kalau sudah mati, warnanya lebih pudar," jelasnya.

Walaupun fenomena ini membimbangkan, Noradilah berkata, pantai masih menerima kunjungan ramai, termasuk pelancong luar yang mungkin tidak menyedari bahaya obor-obor itu.

Dia yang tinggal di Sungai Puteri di sini, berharap pengunjung dapat mematuhi arahan pihak berkuasa dan lebih berhati-hati ketika berada di kawasan pantai terbabit bagi mengelakkan insiden tidak diingini akibat sengatan obor-obor yang juga dikenali dengan nama *bluebot-tles* itu.

JENIS AKHBAR							MUKA SURAT	TARIKH
UTUSAN MALAYSIA		KOSMO!		THE STAR		NANYANG SIANG PAU		
BERITA HARIAN		SINAR HARIAN	/	THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL	/	26	16/1/2025

Waspada makan kerang terdampar di pantai

Jabatan Perikanan sudah ambil sampel untuk diuji bagi memastikan ia selamat dimakan

Oleh NURFARDLINA IZZATI MOKTAR
KUALA TERENGGANU

Orang ramai dinasihati supaya berwaspada ketika makan kerang yang dikutip di Pantai Sura, Dungun, bagi memastikan tiada kandungan toksin membahayakan.

Pengarah Jabatan Perikanan Negeri Terengganu, Ruzaidi Mamat berkata, pihaknya sudah mengambil sampel kerang dan dihantar ke makmal di Kuantan, Pahang, untuk dianalisis bagi memastikan tiada biotoksin berbahaya.

"Berdasarkan data sebelum ini, tiada kes bahaya melibatkan kandungan kerang yang mengandungi toksin, namun didapati hidupan laut ini mengandungi kandungan bakteria agak tinggi. Jadi kerang perlu dimasak dan direbus sebelum dimakan.

"Pada kali ini, sampel sudah diambil dan dihantar ke makmal untuk dianalisis bagi memastikan kerang ini tidak berbahaya dan selamat untuk dimakan.

"Selagi keputusan analisis belum diperolehi, orang ramai dinasihatkan untuk menghindari daripada memakannya bagi mengelakkan kejadian tidak diingini termasuk keracunan," katanya ketika dihubungi *Sinar Harian* pada Rabu.

Sebelum ini, tular rakaman video di media sosial mengenai kehadiran orang ramai mengutip kerang yang terdampar di pantai.



Orang ramai tidak melepaskan peluang mengutip kerang menggunakan pelbagai cara termasuk pukot dan baldi.



Pantai itu dipenuhi ratusan penduduk yang menggunakan pelbagai cara seperti pukot dan baldi untuk mengutip kerang yang bertaburan.

Mengulas lanjut, Ruzaidi berkata, fenomena Monsun Timur Laut (MTL) dan ombak besar yang melanda negeri ini terutama di Pantai Sura menyebabkan banyak kerang-kerangan terdampar.

"Tidak mengelak kemungkinan fenomena ini menyebabkan kerang di dasar laut hanyut sehingga ke pesisir pantai.

"Dengan keadaan ombak besar ketika ini, hidupan laut akan naik dan keadaan ini tidak akan berlaku jika cuaca kembali reda," jelasnya.



Kerang yang diperolehi penduduk berikutan fenomena ombak besar di Pantai Sura, Dungun.

JENIS AKHBAR							MUKA SURAT	TARIKH
UTUSAN MALAYSIA	/	KOSMO!		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		35	16/1/2025

Kerang terdampar tarik perhatian ke Pantai Sura

Oleh NIK NUR IZZATUL HAZWANI NIK ADNAN
utusannews@mediamulia.com.my

DUNGUN: Ribuan kerang yang terdampar di Pantai Sura, di sini, menarik kehadiran ratusan pengunjung yang mengambil peluang mengutip hidupan marin itu sejak kelmarin.

Bagi penduduk, fenomena kerang terdampar di pantai itu bukanlah baharu, malah saat yang ditunggu-tunggu setiap kali kedatangan Monsun Timur Laut.

Tinjauan mendapati, orang ramai berpusu-pusu ke pantai itu bersama ahli keluarga membawa pelbagai peralatan termasuk sauk dan baldi untuk mengutip kerang.

Seorang penduduk, Tengku Ahmad Amirul Tengku Hazaid, 22, dari Kampung Sura Hujung, dekat sini berkata, dia membantu orang ramai menyauk kerang di tepi laut sebelum diagihkan kepada pengunjung pantai itu.

"Saya memang sudah biasa menyauk kerang di pantai dan kadangkala turun ke laut. Memang saat ini ditunggu-tunggu. Ombak memang besar, namun kami sentiasa berwaspada dan tidak turun ke tengah laut, hanya di gigi air," katanya yang membawa pulang enam goni kerang.

Seorang pengunjung, Zainun Sai, 63, dari Kampung Chabang, Kerteh di Kemaman berkata, dia bersama enam ahli keluarganya ke pantai itu meskipun mengambil masa satu jam perjalanan semata-mata untuk mengutip kerang selepas melihat video dan gambar tular dalam media sosial.

"Kami memang sangat seronok bersama-sama dapat kutip kerang dan Alhamdulillah kami dapat bawa pulang lebih 60 kilogram. Kerang yang kami kutip bukan untuk dijual, hanya untuk makan bersama ahli keluarga dan diagihkan kepada jiran-jiran," katanya.

Bagi suri rumah, Sabariah Awang, 53, dia yang tinggal di Kampung Pulau Serai, di sini, tidak mahu melepaskan peluang untuk mengutip kerang bersama ahli keluarganya.

"Kami jarang makan kerang sebab tak selalu ada di pasar dan harganya agak mahal. Kami ambil peluang untuk kutip dan bawa pulang untuk direbus atau dibakar," katanya.

Dalam keseronokan orang ramai 'berpesta' mengutip kerang, pasukan penyelamat termasuk polis dan bomba dilihat turut berada di pantai itu memantau orang ramai bagi mengelak sebarang kejadian tidak diingini.



JENIS AKHBAR								MUKA SURAT	TARIKH
UTUSAN MALAYSIA		KOSMO !		THE STAR		NANYANG SIANG PAU			
BERITA HARIAN	✓	SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF		✓	NEGATIF		NEUTRAL			20	16/1/2025

Penduduk serbu Pantai Sura kutip kerang terdampar

Ombak kuat hanyutkan hidupan laut ke pantai setiap kali musim tengkujuh

Oleh Rosli Ilham
bhnews@bh.com.my

Dungun: Kerang yang banyak terdampar di pesisir Pantai Sura, dekat sini, akibat dihanyutkan ombak, memberi rezeki kepada penduduk yang berpusu-pusu mengutip hidupan laut itu sejak petang kelmarin.

Penduduk, Mohd Syawal Mohd Zam, 29, berkata kejadian itu bukan kali pertama kerana setiap kali musim tengkujuh memang ada banjir kerang di pantai itu akibat ombak kuat dan ia saat ditunggu penduduk.

"Saya gunakan sauk dan san-



Pengunjung Pantai Suran menunjukkan kerang yang dikutip.

gat seronok selepas berjaya kutip kira-kira 100 kilogram (kg) kerang ini," katanya.

Siti Nur Maisrah Ibrahim, 23, pula datang dari Kerteh ke pan-

tai itu mengutip kerang selepas melihat foto dan video tular di media sosial.

"Saya bersama beberapa rakan ke sini untuk merasai kese-

ronokan mengutip kerang biar pun perjalanan hampir satu jam. Saya hanya kutip yang di atas darat kerana takut untuk rapat ke laut berikutan ombak besar," katanya yang mengutip kira-kira 50kg kerang.

Tengku Ahmad Amirul Tengku Hazaid, 22, pula berkata dia turut ke pantai itu selepas melihat orang ramai memenuhi kawasan berkenaan.

Dapat hasil 150kg

"Selain mengutip kerang untuk diri sendiri, saya juga membantu orang ramai menyauk di tepi laut. Saya bawa alatan itu kerana sekali sauk, dapat beberapa kilogram kerang," katanya yang berjaya memperoleh kira-kira 150kg kerang.

Katanya, kerang dikutip bukan untuk dijual, sebaliknya untuk makan bersama ahli keluarga dan diagihkan kepada jiran.

"Saya berterima kasih kepada pihak bomba dan polis yang datang mengawal di pantai ini bagi mengelak kejadian tidak diingini," katanya.

JENIS AKHBAR

UTUSAN MALAYSIA		KOSMO !	/	THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF		/	NEGATIF		NEUTRAL			12	16/1/2025



ORANG ramai berkumpul seawal pukul 7.30 pagi bagi merasai pengalaman mengutip kerang terdampar di Pantai Sura, Dungun sejak kelmarin. – PUQTRA HAIRRY ROSLI

Pesta kutip kerang di Pantai Sura

- Ratusan penduduk bawa sauk, baldi kutip kerang terdampar
- Fenomena biasa setiap kali musim tengkujuh ekoran air pasang

Oleh NIK NUR IZZATUL HAZWANI
NIK ADNAN

DUNGUN – Pantai Sura di sini bagaikan pesta sejak kelmarin apabila dikunjungi ratusan penduduk dari seluruh daerah ini dan kawasan sekitar bagi mengutip ribuan kerang yang terdampar.

Tinjauan Kosmo! semalam mendapati orang ramai bersama



KERANG yang berjaya dikutip penduduk akan dikongsi bersama pengunjung serta sanak saudara.

ahli keluarga masing-masing membawa peralatan termasuk sauk dan baldi untuk mengutip kerang seawal pukul 7.30 pagi.

Proses kutipan berhenti pukul 12 tengah hari sebelum bersambung kira-kira pukul 4.30 petang.

Seorang penduduk, Tengku Ahmad Amirul Tengku Hazaid, 22, berkata, lambakan kerang terdampar ke pesisir Pantai Sura adalah fenomena biasa setiap kali musim tengkujuh ekoran air pasang besar.

"Saya antara orang terawal menyedarinya awal pagi semalam (kelmarin) sebelum mula mengutipnya menggunakan penyauk," katanya di sini semalam.

Tengku Ahmad Amirul berkata, setakat ini, dia berjaya mengutip enam goni kerang dan sebahagiannya dibahagikan kepada

pengunjung lain bagi sama-sama merasa makanan laut berkenaan.

Seorang lagi penduduk, Zainun Sai, 63, berkata, dia dan enam ahli keluarga sanggup datang dari Kampung Chabang, Kerteh, Kemaman sejauh lebih 50 kilometer untuk mengutip kerang.

Menurutnya, mereka berjaya mengutip lebih 60 kilogram kerang untuk dibawa pulang.

"Alhamdulillah berbaloi perjalanan jauh kami dapat membawa pulang banyak kerang percuma yang jika dibeli boleh tahan mahal. Kerang-kerang bukan untuk kami sahaja tetapi dikongsi dengan jiran dan sanak-saudara," katanya.

Dalam pada itu, anggota polis dan bomba dilihat berkawal memantau orang ramai mengutip kerang bagi mengelakkan sebarang insiden tidak diingini.

JENIS AKHBAR							MUKA SURAT	TARIKH
UTUSAN MALAYSIA		KOSMO !		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO	/	NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF		✓	NEGATIF		NEUTRAL		5	16/1/2025



ORANG ramai mengambil kesempatan mengutip kerang di Pantai Sura. Ribuan kerang yang terdampar di pantai menyebabkan pantai itu dikunjungi ratusan pengunjung yang mengambil peluang mengutip hidupan marin itu sejak pagi kelmarin. - Gambar NSTP/GHAZALI KORI

Ada **bawa pulang** hingga 150kg!

Pantai Sura Dungun jadi tumpuan orang ramai susulan persisiran dipenuhi kerang sejak kelmarin

Oleh Rosli Ilham
am@hmetro.com.my

Dungun

Pantai Sura di sini, menjadi tumpuan penduduk bagi mengutip kerang yang memenuhi persisiran pantai itu sejak kelmarin.

Penduduk, Mohd Syawal Mohd Zam, 29, berkata fe-

nomena itu bukan yang pertama berlaku dan ia adalah saat yang ditunggu penduduk sekitar.

"Setiap kali tiba musim tengkujuh memang akan berlaku pantai di sini dipenuhi kerang yang naik akibat dibawa oleh ombak kuat.

"Saya berjaya kutip kira-kira 100 kilogram ke-

rang yang akan dijual dan makan sendiri," katanya.

Siti Nur Maisrah Ibrahim, 23, berkata dia yang tinggal di Kerteh datang ke pantai itu mengutip kerang selepas melihat foto dan video tular di media sosial.

"Saya bersama beberapa

rakan datang ke sini untuk merasai keseronokan mengutip kerang walaupun perjalanan ke sini hampir sejam.

"Saya hanya kutip yang di atas darat kerana takut dengan ombak sangat besar," katanya yang berjaya mengutip ki-

ra-kira 50 kilogram kerang.

Bagi seorang penduduk, Tengku Ahmad Amirul Tengku Hazaid, 22, dia turut serta selepas melihat orang ramai memenuhi pantai itu.

"Selain untuk diri sendiri, saya juga membantu orang ramai mengutip kerang di pantai menggunakan sauk," katanya yang

memperoleh kira-kira 150 kilogram kerang.

Katanya, kerang yang dikutip itu bukan untuk dijual sebaliknya untuk makan bersama ahli keluarga dan dibagikan kepada jiran.

"Bomba dan polis juga ada memantau keadaan bagi mengelak sebarang kejadian tidak diingini," katanya.

Fenomena kerang penuhi persisiran pantai Sura bukan pertama kali berlaku